



**II. ATALA**  
**BIZKAIKO LURRALDE HISTORIKOKO TOKI ADMINISTRAZIOA**

**Iurretako Udala**

**Iurretako jaietako barraken eta feriako atrakzioen instalazioa arautzen duen ordenantzaren aldaketaren behin betiko onarpena.**

Udalbatzak, 2018ko martxoaren 6an egindako batzarrean, honako hau erabaki du:

*Lehenengoa:* Behin-betirako onartzera jaietako barraken eta feriako atrakzioen instalazioa arautzen duen ordenantzaren aipatutako aldaketa. Behin betiko idazketa Eranskinean agertuko da.

*Bigarrena:* Ordenantza bere osotasunean Bizkaiko Aldizkari Ofizialean argitaratzea, Toki-araubidearen oinarriak arautzen dituen apirilaren 2ko 7/1985 Legearen 70.2 artikuluan xedatutakoarekin bat etorritz.

Iurretan, 2018ko martxoaren 12an.—Alkatea, Iñaki Totorikaguena Sarrionandia

**ERANSKINA****IURRETAKO JAIETAKO BARRAKEN ETA FERIAKO ATRAKZIOEN INSTALAZIOA  
ARAUTZEN DUEN ORDENANTZA**

Barrakak eta feriako atrakzioak lurretako Jaietako funtsezko elementu bat dira. «San Migelak» ez lirateke gauza bera izango herritar askorentzat, haurrentzat bereziki, era askotako aparatu eta instalazio horiek gabe. Festen nortasunaren funtsezko osagai eta bereizgarri badira, haiekin zerikusia duen guztiak interes publiko berezia hartzen du. Are gehiago udal administrazioaren espazio publikoan kokatzen badira eta, bistan denez, espazio hori ezin da beste ezertarako erabili barrakak eta atrakzioak jartzen diren bitartean.

Nolanahi ere, udalak ez du horien kokapena bokazio oro hartzailearekin erregulatuko duen araurik. Espazioa okupatzeko tasa edo prezio publikoa (beste ordenantza batek jadanik arautzen duena) edo beste araudi batzuetan espresuki aginduta daudelako bete beharrekoak diren alderdi jakin batzuetatik harago, garrantzitsuak diren alderdi batzuk arautuko dituen, besteak beste: administrazioaren baimena nork eska dezakeen; instalazio desberdinen artean ezarritako espazioa nola banatzen den; asmo berarekin egindako eskaera bat baino gehiago badaude, eskaintza onuragarriena aukeratzeko prozedura zein den; espazioa erabiltzeko baldintzak zein diren; zein eratako arau-hausteak zigortzen diren eta nola, eta aztertzen ari garenaren antzeko jarduera baten araubide juridikoa taxutzen duten gainerako alderdiak.

Izaera honetako arau baten gaikuntza juridikoa oso presente dago apirilaren 2ko 7/1985 Legearen, Toki Araubideari buruzko Oinarriak arautzen dituenaren, 25. artikuluan, «auzotarren beharrak asebeteko dituzten jarduera nahiz zerbitzuen sustapenari» buruzkoan, eta 139. artikuluan, 1 «kultur eta kirol jarduerak, aisialdiaren okupazio edo turismoari» buruzkoan, bai eta horiekin bat datozen beste agindu batzuetan ere. Jendaurreko Ikuskizunen eta Jolas Jarduerari buruzko abenduaren 23ko 10/2015 Legearen 28. artikulua araberak, «udal lizentzia edo baimena» behar dute, «ikuskizun eta aisialdiko jarduerak egiteko behin-behinekoak, eramangarriak edo desmuntagarriak diren instalazioek edo egiturek»; era berean, 30. artikulua berariaz xedatzen duenez, «barrakak eta feriako atrakzioak jartzeko baimena horiek jartzen diren tokiko udalak emango du», eta 33. artikulua ikuskizunak eta aisialdiko jarduerak bide edo espazio publikoetan egiteko baimena udal araudiaren mende uzten du, espazio publikoaren erabilera bereziari edo pribatiboari buruzkoa dena.

Beste zenbait artikuluk. 37., 41. eta 62.ak esaterako, eskumenak eta gaikuntza titulua udalari ematen dizkiote zaintza eta kontrol lanak egiteko eta zigorrak jartzeko. Horrek guztiak ordenantza honetarako oinarri gisa balio du.

Arau honek barraka eta atrakzioen instalazioa sustatu nahi du haurrek eta nagusiek goza ditzaten. Ez du antolamendu murriztailerik eta ondorengo bokazio bikoitzean oinarritzen: ferietako eta barraketako langileei beren jarduera egiten uztea, eta aldi berean erabiltzaile eta kontsumitzaileen eskubideak nahiz jardueraz kanpokoaren eskubideak bermatzea.

Ordenantza hainbat titulu, kapitulu eta artikulutan egituratzen da, eta horiek, xedapen orokor batzuetatik abiatuz, honako hauei buruz hitz egiten dute: instalazio eskaerak, baimenak ematea, baimenen adjudikaziodunen betebeharrak, segurtasun neurriak, soinu emisioak, hondakinen kudeaketa, feria barrutiko ibilgailuen zirkulazioa, kautelazko neurriak eta zehapen prozedura.

**I. TITULUA****XEDAPEN OROKORRAK****1. artikulua**

Ordenantza honen helburua lurretako jaietako barrakak eta feriako atrakzioen instalazioa arautzea da xede horretarako prestatzen den barrutian. Festa horiek irailan ospatzen dira bertako jaiegunarekin bat etorritik (irailak 29); nolanahi ere, beraien xedape-



nak hala eskatzen duten antzeko kasuei partzialki aplikatu ahal izango zaie. Gainera, ordenantza honetan, barruti horretan baimendutako eta baimendu gabeko erabilera nahiz jardueren gaineko gaiak arautzen dira.

## **2. artikulua**

lurretako Udalak barrakak eta feriako atrakzioak jartzeko baimena emango du urtero, Alkatetza-Udalburutzaren Dekretuaren bidez; horretarako, barrutiaren kokapena, dimentsioak eta banaketa finkatuko ditu.

## **3. artikulua**

Alkatetza-Udalburutzaren dekretu horrek instalazioaren epea eta ordutegien araubidea finkatuko ditu, halaber, eta barrutian egindako jarduerak horiek errespetatu beharko dituzte, bai eta ordenantza honetan agindutakoa garatzeko hartu beharreko xedapen guztiak ere.

## **4. artikulua**

Festak direla-eta barrakak edo feriako atrakzioak jartzeko espazio publikoaren adjudikaziodunek, lurretako Udaleko Tasa eta Prezio Publikoen Ordenantzan xede horretarako finkatutako prezio publikoa ordaindu beharko dute.

## II. TITULUA

### **INSTALAZIO ESKAEREI BURUZ**

## **5. artikulua**

Barraka edo feriako atrakzio bat jartzeko eta feriako barrutian espazioa okupatzeko eskaera honako hauek aurkeztu ahalgo dute: legearen barnean eraturako pertsona fisikoek edo juridikoek, lurretako Udalarekin epe exekutiboan zorrik ez dutenek, zerga betebeharrak eta Gizarte Segurantzarekin dituen betebeharrak egunean dituztenek eta administrazio zehapen irmorik jaso ez dutenek arau hauste oso larria egin izanagatik toki, autonomia erkidego edo estatu mailan aplikatu beharreko araudian, antzeko esparruetan bi arau hauste larri egin izanagatik edo hiru arau hauste arin egin izanagatik. Eskatzaileak zigor penalen bat jaso izan balu, bertan xedatutakoa beteko da. Baldintza horiek betetzen ez dituzten eskaerak automatikoki ezetsi egingo dira.

## **6. artikulua**

Eskaerak lurretako Udaleko HAZ-en (Bidebarrieta, 5) aurkeztu beharko dira edo Administrazio Prozeduraren Legeak edo gainerako araudi aplikagarriak hori egiten uzten duten edozein baliabidearen bidez.

## **7. artikulua**

Eskatzaileak jarri nahi duen atrakzio edo barrakaren ezaugarriak adierazi beharko ditu (itxita eta zabaldua zer tamaina duen bereziki, haiei erantsitako instalazioak barne, hala badagokio, leihatilak esate baterako), eta eskaerarekin batera, ondorengo dokumentazioa aurkeztu beharko du:

- NAN edo IFKren fotokopia jadanik udalaren esku ez badago.
- Zerga betebeharrak eta Gizarte Segurantzarekin dituen betebeharrak egunean dituela egiaztatzen duten ziurtagiriak.
- Erantzukizun zibileko aseguru poliza, atrakzioek 300.000 euroko gutxieneko estaldura izanik eta 30.000 eurokoa janaria eta edaria saltzeko etxola edo postuek, eta haren ordainketaren egiaztagirak.
- Delako instalazioaren segurtasun eta sendotasun baldintzak egiaztatzen dituen dokumentazio teknikoa, teknikari eskudunak edo egiaztatutako ikuskapen erakundeak izenpetuta. Dokumentazio horrek, gainera, instalazioaren urteko azterketaren eta irisgarritasunari buruzko araudiaren betearazpenaren ziurtagiriak jaso



behako ditu, bai eta Euskal Autonomia Erkidegoko Jendaurreko Ikuskizunen eta Jolas Jardueren Legearen 30.2.a artikuluan agindutako alderdiak ere.

- Jardueraren garapenean laneko segurtasun eta higiene arauetan eta lan arriskuen prebentzio arauetan ezarritakoa beteko dela egiaztatzen duen adierazpen arduratsua.
- Horiekin harremana izango duten pertsona guztien elikagaien manipulaziale txartela, hala badagokio.
- Su itzalgailuak aztertzeke eta mantentzeke ziurtagiria, segurtasuneko araudiak hala eskatzen duenean.
- Gas horniduraren edo beste edozein erregairen instalazioari buruz instalatzaile ofizialak egindako urteko azterketaren ziurtagiria.

### III. TITULUA

#### INSTALAZIOAREN BAIMENAK EMATEARI BURUZ

##### 8. artikulua

Barrakak eta feriako atrakzioak finkatutako barrutian jartzeko, lurretako Udalak aurretiaz administrazio baimena eman beharko du.

##### 9. artikulua

Lurretako Udalak feria barrutian dagoen espazioaren banaketa ezarriko du, jar daitezkeen atrakzio kopurua eta horien gehieneko neurriak finkatuz, eta atrakzioen banaketa zehaztuz.

##### 10. artikulua

Aurreko idatz-zatian ezarritakoa betez erabilgarri dauden unitateak baino eskaera gehiago daudenean, espazioak norgehiagoka lehiaketa bidez adjudikatuko dira, ondorengo irizpideen arabera:

- Aurkeztutako eskaintza bakoitza 0tik 100 puntura baloratuko da.

##### 1. Erabiltzaileentzako prezioen eskaintzak (30 puntu gehienez)

Erabiltzaileentzako prezioen eskaintzak 30 puntuko balorazioa jasoko du gehienez.

Lote bakoitzean prezio baxuenak aurkezten dituen eskaintzari, eskaintza onuragarriari (EO) hain zuzen, puntu guztiak emango zaizkio. Gainerakoak, EO honen araberrako igoeran baloratuko dira:

Prezioa Precio	Puntuazioa Puntuación
Eskaintza onuragarriena (EO) Oferta más ventajosa (OV)	30,00
%1etik %2ra bitarteko igoera Aumento del 1% hasta el 2%	25,00
%3tik %5era bitarteko igoera Aumento del 3% hasta el 5%	20,00
%6tik %8ra bitarteko igoera Aumento del 6% hasta el 8%	15,00
%9tik %10era bitarteko igoera Aumento del 9% hasta el 10%	10,00
%10 baiono gehiagoko igoera Aumento en más de 10%	5,00

**2. Bertan egotearen urteak (30 puntu gehienez)**

Kategoria bereko barraka edo atrakzioekin lurretako jaietan egondako urteen arabera 30 puntu banatuko dira; publikoa, tokia eta ezaugarriak ezagutzea balio erantsi bat dira zerbitzua ematerakoan.

Ondorio horietarako, azken bost urteetan bertan egon izana baino ez da kontuan hartuko. Eskatzaileek dagozkien egiaztagiria aurkeztu beharko dituzte idatz-zati horretako puntuazioa eskuratzeko.

Atrakzio berdinarekin eskatzaile berdinen urte gehien bertan egotea ziurtatzen duen eskaintzak puntu guztiak lortuko ditu, gainerakoak honela baloratuz:

Urte kopurua N.º de años	Puntuazioa Puntuación
5	30,00
4	20,00
3	15,00
2	10,00
1	5,00

**3. Aseguruaren estaldura zabaltzea (20 puntu gehienez)**

Eskatutako aseguruaren estaldura zabaltzearen arabera 20 puntu banatuko dira.

— 300.000 eurotako gutxieneko estaldura duen Erantzukizun Zibileko Aseguru poliza.

Erantzukizun zibileko aseguruaren derrigorrezko gutxieneko estaldura (300.000 €) gehien igotzen duen eskaintzari, eskaintza onuragarriari (EO) hain zuzen, puntu guztiak emango zaizkio. Gainerakoak, EO honen arabera gutxitzean baloratuko dira:

Aseguru Seguro	Puntuazioa Puntuación
Eskaintza Onuragarriena (EO) Oferta más ventajosa (OV)	20,00
%1etik %5era bitarteko gutxitzea Disminución del 1% hasta el 5%	15,00
%6tik %10era bitarteko gutxitzea Disminución del 6% hasta el 10%	10,00
%10a baino gehiago gutxitzea Disminución en más del 10%	5,00

**4. Instalazioaren antzinatasuna (10 puntu gehienez)**

10 puntu banatuko dira instalazioaren antzinatasunaren alderantzizko proportzioan.

Puntu guztiak emango zaizkie urtebeteko antzinatasuna egiaztatzen dutenei; urtebete gehigarri bakoitzeko honela gutxituko da:

Antzinatasun urteak N.º años de antigüedad	Puntuazioa Puntuación
Gehienez 1 / máximo 1	10,00
2 arte / hasta 2	9,50
3 arte / hasta 3	9,00
4 arte / hasta 4	8,50
5 arte / hasta 5	8,00
6 arte / hasta 6	7,50



Antzintasun urteak N.º años de antigüedad	Puntuazioa Puntuación
7 arte / hasta 7	7,00
8 arte / hasta 8	6,50
9 arte / hasta 9	6,00
10 arte / hasta 10	5,50
11 arte / hasta 11	5,00
12 arte / hasta 12	4,50
13 arte / hasta 13	4,00
14 arte / hasta 14	3,50
15 arte / hasta 15	3,00
16 arte / hasta 16	2,50
17 arte / hasta 17	2,00
18 arte / hasta 18	1,50
19 arte / hasta 19	1,00
20 arte / hasta 20	0,50

#### 5. Neurri gehigarriak (10 puntu gehienez)

Indarrean dagoen araudiarekin bat etorritik beharrezkoek gain hartutako neurri gehigarrein arabera 10 puntu banatuko dira:

Neurri gehigarriak Medidas adicionales	Puntuazioa Puntuación
Segurtasun neurriak / En cuanto a las medidas de seguridad	4,00
Instalazioan sartzeko mekanismoak, azalera irristagaitzak, desgaituentzat egokituta egotea eta antzeko neurriak / En cuanto a los mecanismos de acceso a la instalación, superficies antideslizantes, adaptación a minusválidos y medidas similares	4,00
Matxurak konpontzeko era guztietako tresnak auzotarrei inolako izu edo arriskurik eragin gabe / En cuanto a las herramientas de todo tipo a emplear para solucionar averías sin generar pánico ni peligro para los vecinos y vecinas	2,00

Ondorio horietarako, eskatzaileek beraien iritziz, idatz-zati hauetan biltzen diren merezimenduak aurkeztu beharko dituzte, eskaerarekin batera; horrez gain, dagozkien egiaztagiriak ere aurkeztu beharko dituzte. Arrazoitu edo egiaztatu gabeko merezimendurik ezingo da baloratu.

Erabilgarri dagoen espazio bakarra okupatzeko edo barraka edo atrakzioetarako prestatukoaren artean azkena okupatzeko eskaeren artean puntu berdinketa balego, adjudikazioa zozketa publikoaren bidez egingo da.

#### 11. artikulua

Lehiaketa Alkatetza-Udalburutzaren dekretu bidez ebatziko da, eta hura gehienez hilabeteko epean aldarrikatuko da eskaerak aurkezteko epea amaitzen denetik zenbatzen hasita. Dekretu horrek administrazio bideari amaiera emango dio dagokion legerian ezarritakoaren ondorioetarako, eta eskatzaile bakoitzari banaka jakinaraziko zaio; nolana ere, lege ezarritako baliabideen bidez argitaratzea errespetatu ahalko da.

#### 12. artikulua

Jakinarazpenaren ostean, behin-behineko adjudikaziodun bakoitzak gehienez bost egun baliodun izango ditu Udal Diruzaintzan emandako espazioaren okupazioagatik prezioa ordaintzeko. Epe horretan ordainduko ez balitz, eskatzaileak bere eskaeran atzera egiten duela esan nahiko du, eta puntuazioaren arabera hurrengo eskatzailea



(preskribatutakoaren betearazpenaren zain ere) behin-behineko adjudikaziodun bihurtuko da, edo bestela, aztertzen den espazioaren adjudikazioa hutsik geratuko da.

#### IV. TITULUA

#### ADJUDIKAZIODUNEN BETEBEHARREI BURUZ

##### 13. artikulua

Adjudikaziodunek beraien barraka edo atrakzioa udaleko langileek adierazitako epean jarri beharko dute. Epe horren barnean jarriko ez balitz, eskatzaileak bere eskaeran atzera egiten duela esan nahiko du; hala, udalak espazioa hutsik utzi ahalko du edota hurrengo eskatzaileari adjudikatutako puntuazioaren ordenaren arabera. Beste batzuei adjudikatutako espazioak ezingo dira inolaz ere laga (doan edo prezio baxuan). Hasieran proposatutakoaz bestelako atrakzio edo barrakak ere ezingo dira jarri, eta beste erabilera batzuk ezingo zaizkie eman.

Baimena eman zaien epe guztian jarrita egon behar dira barrakak edo atrakzioak.

##### 14. artikulua

Adjudikaziodunek finkatutako prezio publikoa ordaindu beharko dute, 12. artikulua baldintzetan; halaber, epe berean Udal Diruzaintzan 150 euroko fidantza bat jarri beharko dute espazio publikoan edo udalaren beste ondasun batzuetan eragin ditzaketen kalte galerak ordaintzeko, edo adjudikaziodunek azoka-esparrua Udalak jarritako epea baino lehenago uzten badute edo barrakak eta feriako atrakzioak instalatzeko hitzarmenean edo esleipen dekretuan jasotako baldintza guztiak betetzen ez badituzte.

##### 15. artikulua

Fidantza interesdunei bi hilabeteko gehieneko epean itzuliko zaie lurretako jaiak amaitzen direnetik zenbatzen hasita, Alkatetzaren Dekretu batek haren erabateko edo zati batean konfiskatzea egokia dela ezartzen badu salbu, aurretiaz txostena egin ondoren eta interesdunaren alegazioen izapidearekin.

##### 16. artikulua

Adjudikaziodunek beraien produktu edo zerbitzuen prezioen zerrenda jendeak ikusteko moduan jarriko dute, instalazioko guneen artean izan daitezkeen aldeak zehaztuko dituzte, bai eta dagozkien kasuetan ere, bidaiaren gutxieneko iraupena; instalazioa gutxienez edo gehienez zer adin edota altuerarekin erabil daitezkeen ere adieraziko dute, eta laguntzailea noiz behar den.

##### 17. artikulua

Adjudikaziodunek, herritarren eguna ospatu beharko dute (Udalak jakinaraziko die zein egun). Egun horretan barraka guztiak elkarrekin adostutako prezio bat izango dute egun osoan.

##### 18. artikulua

Adjudikaziodunek beraien instalazioetako argi hornitzaileekin kontratuak izenpetu beharko dituzte, eta haien kargu geratuko da hornitzaileek kontzeptu horiengatik igorritako fakturak ordaintzea. Instalazioa hornikuntza iturriari konektatzea eta deskonektatzea enpresa hornitzailearen eta udaleko zerbitzu teknikoaren ikuskaritzapean soilik egin ahalko da. Interesdunek kontratuen izenpetzea udaletxean egiaztatu beharko dute, eta instalazio elektrikoaren buletinak aurkeztu.

##### 19. artikulua

Hornidura sareko ur hargune bat behar duten adjudikaziodunek aldeztatik eskatu beharko dute era independentean, eta ondorengo baldintzak bete:



- 1) Hornidurako instalazioek Eraikuntzaren Kode Teknikoan finkatutako baldintzak, HS4 dokumentua eta 140/2003 Errege Dekretuaren eskakizunak bete beharko dituzte.
- 2) Harguneari lotzeko elementu guztiak PN16 izango dira, eta lotuneak, estankoak.
- 3) Bilbao Bizkaia Ur Partzuergoan abonatu gisa alta emango dute.

Ezingo dira jarri hodiak azalean, eta kutxatilkak ere ezingo dira bide publikoan irekita edo estalkirik gabe utzi. Salbuespen modura, eta okupatutako espazioan bertan ur hargunerik eta hustubiderik ez dagoenean, azalean hodiak jartzen utziko da, baldin eta behar bezala estaltzen eta seinaleztatzen badira kaltetutako guneko pertsonen irisgarritasuna ez eragozteko. Guztiz debekatuta dago ur hornidurako balbulak manipulatzeko, eta lan hori Udaleko Ur Zerbitzuak baino ezin du egin.

Urak ebakutzeko instalazioek ondokoa bete beharko dute: Eraikuntzaren Kode Teknikoan finkatutako baldintzak, HS5 dokumentua eta Bilbao Bizkaia Ur Partzuergoaren Saneamendu eta Arazketa Zerbitzua arautzen duen ordenantzan ezarritako baldintzak.

#### **20. artikulua**

Adjudikaziodunek udaltzainek eta beste udal teknikari batzuek emandako aginduak errespetatu eta bete beharko dituzte feria barrutiko segurtasuna eta osasungarritasuna bermatze aldera.

#### **21. artikulua**

Adjudikaziodunek udalak emandako gehieneko epearen barnean kendu beharko dute instalazioa. Okupatutako espazioa instalazioa jarri aurretik zegoen baldintza berean utziko da, eta bertako segurtasuna eta osasungarritasuna bermatuko dira.

#### **22. artikulua**

Adjudikatutako espazioaren mugak barrakarekin edo atrakzioarekin, edo beste elementu batzuekin, gainditzea berariaz debekatuta dago (publizitateko elementuak barne). Barneko kaleak eta oinezkoentzako gunek ere ezingo dira okupatu. Edozein eratako produktuak saltzeko makina automatikoak udal baimenik jartzea ere berariaz debekatu da, baita putching ball edo antzekoen elementuak jartzea ere.

#### **23. artikulua**

Adjudikaziodunek laneko segurtasun eta higiene arauak zorrotz bete beharko dituzte, bai eta janari eta edariaren banaketari lotutako higiene eta osasun neurriak ere, egoera hori sortzen denean. Bereziki, instalazio bakoitzak behar beste handiak diren ontziak izan beharko ditu sortutako hondakinak gordetzeko. Zaborra jendeak ikusten ez duen toki batean utziko da ahal den neurrian, harik eta garbiketa zerbitzuko langileek eraman duten arte.

#### **24. artikulua**

Guztiz debekatuta dago feria barrutian bizirik dauden era guztietako animaliak edo diseinatutakoak saltzea eta zozkatzea, Animaliak Babesteko urriaren 29ko 6/1993 Legean xedatutakoa betez. Gainera, bertan dagoen edozein animalia behar bezala tratatuko da.

### V. TITULUA

#### **SEGURTASUN ARAUEI BURUZ**

#### **25. artikulua**

Barrakak eta feriako atrakzioek Eraikuntzaren Kode Teknikoko DB SI bete beharko dute. Bereziki, RSCIEI 2004ren arabera, honako hauek izan beharko dituzte:

- CO2ko su itzalgailu bat, gutxienez, kaxa elektrikitik gertu jartzeko.
- ABC hautsa duen su itzalgailu bat, gutxienez, atrakzioan bertan.





- 50 kiloko gurdi bidezko su itzalgailu bat, gutxienez, 750 litro erregai biltegitratzen badira.
- 50 kiloko gurdi bidezko 2 su itzalgailu, gutxienez, 750 litro erregai baino gehiago biltegitratzen badira.

**26. artikulua**

Makinek, egiturek eta atrakzioek UNE 13814:2006 Arauan xedatutakoa bete beharko dute edo instalazioaren datan indarrean dagoena.

**27. artikulua**

Barraketako batek gas bidezko sukaldea badu, Gas Instalazioen Oinarrizko Arauetan eta aplikagarria den gainerako araudian xedatutakoa bete beharko du. Gas botila sukaldearekin lotzeko dagoen hodi malguak ez du 1,5 metro baino gehiago izango, eta luzeagoa behar badu, instalazioa homologatutako hodi metalikokoa izango da. Gas botilak ez dira egunez eguzkitan jarriko edo edozein bero fokutik gertu.

**28. artikulua**

Gutziz debekatuta dago enbalajeko sukalde, kutxa, kartoi eta sukoia den beste edozein materialetik gertu biltegitratzea.

## VI. TITULUA

**SOINU EMISIOEI BURUZ****29. artikulua**

1. Zaratei eta soinu emisioei dagokienez, zorrotz bete beharko da aplikagarria den araudian xedatutakoa. Bereziki, barraketan eta atrakzioetan instalatutako aparatu, ekipo edo tresna guztiek ezingo dute 90 dezibeliotik gorako soinurik isuri, normal funtzionatzen ari direla, aurrean 1,5 metroko distantzian, altueran lurretik 1,20 eta 1,50 metro arteko distantzian intzidentziarik ez duen eremuan neurtuta, gaueko 22:00ak arte, eta 70 dezibeliotik gorakoak ordu horretatik itxiera ordura arte.

2. Instalazio bakoitzak bertako erabiltzaileei bidalitako banakako mezuak alde batera utzita, musika edo soinu emisio bakarra izango da, hala badagokio, kutsadura akustikorik izan ez dadin, eta zarata bat baino gehiago aldi berean entzutearen ondorioz bertaratutako guztiei eragozpenik ez sortzeko.

3. Azoka-esparrutik entzuten den musika jai egitarauko ekitaldiren batekin baterazina denean, Udalak musika jaisteko edota kentzeko agindua luzatu dezake, ekitaldiak dirauen bitartean.

## VII. TITULUA

**HONDAKINEN KUDEAKETARI BURUZ****30. artikulua**

Adjudikaziodunek, hondakinen kudeaketari dagokionez, aplikagarria den araudia bete beharko dute. Berariaz, hiri hondakinak edo antzekoak itxitako plastikozko poltsetan sartzera behartuta daude, eta dagozkien edukiontzietan sartuko dituzte.

**31. artikulua**

Erabilitako landare olioak hondakin gisa sortzen duten jarduera guztiak hura erretiratzeko eta kudeatzeko baimendutako kudeatzaile bat izan beharko dute. Gutziz debekatuta dago era horretako hondakinak uztea edo isurtzea.

**32. artikulua**

Hondakin arriskutsuen kudeaketak aplikagarria den araudian xedatutakoa beteko du zehatz-mehatz. Udalak zirkulazioa eragozten duen edo herritarrentzat arriskutsua gerta



daitekeen edozein objektu erretiratuko du, eta sortutako gastu guztiak jabearen edo utzi duenaren kargu geratuko dira.

#### VIII. TITULUA

##### **BARRUTIAN ETA HAREN INGURUAN IBILGAILUAK ZIRKULATZEARI BURUZ**

###### **33. artikulua**

Ibilgailuak feria barrutian aparkatzea eta zirkulatzea berariaz debekatuta egongo da. Salbuespen modura, muntatze eta desmuntatze garaian lan horiek egiteko beharrezkoak diren ibilgailuak sartzen utziko da.

Barrakei produktuak hornitzen dizkieten ibilgailuak udalak adierazitako eran identifikatuta izango dira, eta barrutian jendearentzat zabalik ez dagoen ordutegian bakarrik sartu ahalko dira.

###### **34. artikulua**

Baimendutako feriako langileek beraien karabanak, kamioiak eta etxebizitza mugikorrak ibilgailuetarako diren tokietan aparkatuko dituzte, Zirkulazio Araudi Orokorren eta Trafikoari buruzko Udal Ordenantzaren xedapenak betez.

Salbuespen modura, udalerrian etxerik ez duten baimendutako instalazio edo barraketako titularrei baimena eman ahalko zaie etxebizitza-karabanak feria barrutian edo haiei atxikitako lurzatietan jar ditzaten, baldin eta erabiltzaileei kalte handirik eragiten ez badiete.

Nolanahi ere, atoi independenteak mugitzeko beharrezkoak diren trakziozko elementurik ez da barrutian utziko, haiek bakarrik baizik.

Udaltzaingoak, edozein unetan, barrutian sartzeko baimena aurkeztu dezaten eskatu ahalko du eta, hala badagokio, baldintzak betetzen ez dituzten ibilgailuak erretiratuko dituzte; hala, sor daitezkeen gastu guztiak titularraren kargu geratuko dira, egokiak izan daitezkeen zigorrak alde batera utzi gabe.

#### IX. TITULUA

##### **KAUTELAZKO NEURRIAK**

###### **35. artikulua**

Dagozkien zehapen prozedurak kontuan hartu gabe, udalak emandako baimena baliogabetu ahalko du eta instalazioa kautelaz itxi, segurtasun edo osasungarritasun publikoko arrazoiek hori egitea gomendatzen dutenean. Neurri horiek bereziki behar bezala arrazoituko dira, eta indarrean izango dira, harik eta haiek sortu dituzten arrazoiak desagertzen diren arte.

#### X. TITULUA

##### **ZEHAPEN ARAUBIDEA**

###### **36. artikulua**

Iurretako jaietan barrakak edota feriako atrakzioak jartzearen ondorioz egindako arau hausteak eta jasotako zigorrak honako hauetan ezarrikoaren arabera zuzenduko dira: 10/2015 Legea, abenduaren 23koa, Jendaurreko Ikuskizunen eta Jolas Jardueren buruzkoa; 3/1998 Lege Orokorra, Euskal Autonomia Erkidegoko Ingurumenaren Babesari buruzkoa eta aplikagarriak diren gainerako xedapenak.

**XEDAPEN GEHIGARRIA**

Alkatetza-Udalburutzaren baimena emateko dekretuak 19. artikuluan xedatutakoaren betearazpena guztiz edo zati batean salbuetsi ahalko du, delako espazioaren egoerak hala egitea gomendatzen badute.

**AZKEN XEDAPENA**

*Lehenengoa:* Ordenantza honetan ezarri ez den gainerako guztiak aplikagarria den toki, autonomia erkidego eta estatuko araudia errespetatu beharko du.

*Bigarrena:* Ordenantza hau indarrean sartuko da, Bizkaiko Aldizkari Ofizialean argitaratu eta 15 eguneko epea amaitu ondoren, Toki Araubidearen Oinarriak arautzen dituen apirilaren 2ko 7/1985 Legearen 65.2 eta 70.2 artikuluek ezarritakoaren arabera, berariaz aldatu edo indargabetu arte.